

stulit, der HERR hats gegeben / der HERR hats ge-
nommen / der Name des HERRN sey gelobet /
Cap. 1. v. 22.

Vnd demnach wir die Adliche Leiche mit groß-
ser frequentz vnd gebreuchlichen Ceremonien anhero
ins Gotteshaus gebracht vnd begleitet haben / auch
itzo in die ordentliche ruhestet beysetzen wollen: Vns
aber erinnern der alten vnd löblichen gewonheit /
daß man bey Christlichen Reichbegängnissen / vmb
der Lebendigen vnd vberbleibenden willen / ihnen
zur Lehre / Trost vnd Vermahnung / pfeleget etwas
aus Gottes Worte an die Hand zunehmen vnd zu-
betrachten / Als wollen wir solches itzo auch thun /
vnd dieweil Gottes Wort mit nutz vnd frommen
lehren vnd anhören / ist vnd bleibet ein Werck Gottes
des Heiligen Geistes / So wollen wir zu diesem an-
fange vnd eingange / vns für der Göttlichen Maje-
stät im Himmel demütigen / dieselbe in wahrem glau-
ben ansprechen vnd bitten / Sie wolle vmb des HERR-
N Jesu Christi vnsero Heylandes willen vnser
Hertzen erleuchten vnd regieren mit dem heiligen
Geiste / damit diese heilige betrachtung des Wortes
Gottes / gereiche der Göttlichen Majestät im Himmel
zu Ehren / den betrübten zum Trost / vnd vns allen
zu der Seelen Heil vnd Seligkeit befürderung.

Wollen derowegen erstlich vnser elend erken-
nen vnd bedencken / vnd miteinander singen: Ach

B ij wie

Q.

R.